

# جريدة حكاية

( صالئ )

|       |             |      |      |      |      |
|-------|-------------|------|------|------|------|
| نومرو | جمادى الآخر | سنه  | مارت | سنه  | صيفه |
| ٢٤٧   | ٥           | ١٣٠١ | ٢٠   | ١٣٠٠ | ١٩٦٩ |

- \* اشبو غزته بهر هفته صالئ كونلرى چيقار . سنه لىكى التمش غروش وبهر نسخه سى التمش پاره \*
- \* مجديه اوله رق هر يرده صاتيلور . درج اولنه جق اعلانا تىك بهر سطر ندين ايكي غروش النور . \*
- \* سنه لىكنه مشترى اولمق استيانلر عدليه نظارت جليله سى اوراق مدير لىكنه مراجعت ايتلدير \*

( ايكيوز قرق التنجى نومرولى جریده محاکمه )  
( مندرج اعلامك بقیه سى )

اوليه ده نقصان كورر ايسه شورای دولت ریاستی واسطه سیله منسوب اولدیغی نظارت و یا ولایته تبلیغ و اكمال ایتدیرمك بعدده ذكر اولنان قراری اعطا ایدر و اگر تحقیقات اولیه نك ایجاب و اقتضاسی مأمور مظنونك عزلنه ونه محاکمه سنه دلالت ایتزایسه اسباب موجب سنی كذلك مضبطه ایله مقام صدارت عظمایه بیان ایلر

داخلیه دائره سنك قراری مأمور مظنونك عزلنی و یا موقتاً ایشدن چكلمسنى و بونكله برابر لزوم محاکمه سنی متضمن ايسه مقام صدارت عظمایه او قرار لرى عتبه علیای حضرت پادشاهی به عرض واستیدان ایله متعلق بیور یله جق اراده سنیه شهر یاری اوزرینه اجرا و امر محاکمه بی شورای دولته حواله ایلر و قرار واقع محاکمه نك لزومنی مشعر ايسه تحقیقات اولیه بی اجرا و اشعار ایدن نظارت و یا ولایته بیلیدیر

بر مأمور مظنونك محاکمه سى با اراده سنیه شورای دولته حواله اولندقدده تحقیقات اولیه اوراقی و داخلیه دائره سنك انى مصدق مضبطه سى طاقيله محاکمات دائره سنه اعطا قلدنور محاکمات دائره سى رئیس ثانیه سى اشبو اوراقی دائره اعضا سندن ایکی ذات ایله مستنطقدن مرکب تشکیل اولنه جق انجمنه اعطا ایدرک اوراده مأمور مظنونك استنطاقنی اجرا ایتدیرر مستنطقلر اصول محاکمات جزاییه قانوننده معین قواعد دائره سنه حرکت ایدر لر فقط اشبو ایضا حنامه ده کوستر لیدیکی اوزره قباحت و جنحه ار بابی اثنای محاکمه ده توقیفدن مستثنا اوله جق لرى کبی جنایتله اتهام اولنان بر مأمورک تحت توقیفه النمی دخی اراده سنیه صدور ینه متوقف اولدیغندن مستنطقلر بو توقیف امرنده بر کونه وساطت و وظیفه سیله مکلف دکلر درر واستنطاقنامه نك ذیلی مظنون علیه طرفندن تمهیر اولندقدن بشقه انجمنده بولنان اعضا و مستنطق جانبدن دخی امضا و تصدیق ایله دائره محاکمات ریاستنه



ویرلد کده مدعی عمومی به حواله اولنه رق انک طرفندن  
 یاییله جق ادما تقریری اوزرینه آکر مأمور مظنونک  
 جرمی قباحت و یا جنجه درجه سنده ایسه محاکمات  
 دأرہسی امر محاکمه به ابتدار ایدر و شاید بونوع  
 دعاویده مدعی عمومی ایله مستنطق بیننده اختلاف  
 ظهور ایله ایسه بونک اصولاً حلی هیئت اتهامیه  
 وظیفه سیله مکلف اولان داخلیه دأرہ سنده ائد اولور  
 محاکمات دأرہسی قباحت و جنجه حقننده و یره جکی  
 حکم وقراری محکوم علیهه تبلیغ ایله واستیناف  
 طلب ایلدیکی حالدده شورای دولت رئیس مدت  
 قانونیه سی طرفنده و یریه جک لایحه بی هیئت  
 استینافیه به حواله ایدر فقط قباحت و جنجه ایله  
 مظنون علیه اولان مأمورلک تحت محاکمه دهه موقوفیلری  
 لازم کلیوب لدی الاقتضا مکفولاً محاکمه لینه باقیلور  
 بالاده ذکر اولنان استنطاق انجمنک اجرا ایده جکی  
 استنطاقک نتیجه سی مأمور مظنونک جرمی جنایت  
 اوراق اوزره تعیین ایدر ایسه اولسالده اوراق  
 استنطاقیه هیئت اتهامیه وظیفه سی حاز اولان  
 شورای دولت داخلیه دأرہ سنده اعطا قلمور  
 داخلیه دأرہسی اوراق مرقومه بی و جنایت ایشلرینه  
 مأمور مدعی عمومی ک ادعا نامه سی تدقیق و مطالعه  
 ایدرک اوج کون ایچنده اتهامه قرار و یرر و مظنون  
 علیه جنایتله اتهام اولنور ایسه قانوناً تحت توقیفه  
 الموبده محاکمه ایلدیسی حاوی مضبطه سی یاوب  
 مقام صدارت عظمایه تقدیم ایدر  
 مقام صدارت عظمایه ادخی ایشو توقیف قرار بی استینان  
 ایله متعلق بیور یله جق اراده سنیه اوزرینه اجرا  
 ایدر بوقرار موجبجه دأرہ محاکمات جنایت فعلک  
 محاکمه سنه باشلا یوب حکم وقرار بی یوقاروده ذکر  
 اولدیغی وجهله محکوم علیهه تبلیغ ایله

استینافاً و تمیزاً رؤیتی شورای دولتہ عائد اولان  
 مأمورین محاکماتہ متعلق معاملات دخی بروجه آتی  
 بیان اولنور  
 مظنون علیه اولان بر مأمورک بدایة رؤیت محاکمه به  
 مخصوص مجلس اداره ده اجرای محاکمه سی باب عالیدن  
 استینانہ موقوف اولان طاقدن یعنی اراده سنیه  
 ایله منصوب اولنردن ایسه بعد الاستینان شورای  
 دولت داخلیه دأرہ سنک بالاده محرر اصول وجهله  
 یره جکی قرار اوزرینه باب عالی ک تبلیغ رسمیه سی ایله  
 و اراده سنیه ایله اولور فقط مصلحت جنایتہ منقلب  
 اولوبده مظنون علیهک تحت توقیفده محاکمه سی  
 صورتده مجلس اداره نک هیئت اتهامیه سی اصول  
 محاکمات جزایه قانونی حکمنه توفیقاً قرار و یرر  
 ایسه والیر بونی باب عالی دن بالاستینان اراده سنیه بی  
 ناطق الاجقیری امر رسمی اوزرینه اجرا ایدر  
 ولایت مجالس اداره سنک بدایة رؤیت و حکم ابتدکی  
 مأمورین محاکماتک شورای دولت محاکمات دأرہ سنده  
 استینافی اجرا اولنور و بعد الاستیناف ادما وقوعنده  
 هیئت تمیزیه ده دخی تمیز ایلدیلور  
 کرک بدایة و کرک استینافاً و تمیزاً شورای دولتده رؤیت  
 اولنان محاکماتک و مدعی عمومی و مستنطق و ظانفک  
 ایشو ایضاحنامه ده کوستریلان معاملاتدن بشقه  
 احکامی اصول محاکمات جزایه قانونه توفیق اولنور  
 انجق و یریه جک حکم وقرارلک اجراسی مقام  
 اجرایه عائددر و هر حالده اراده سنیه ایله منصوب  
 مأمورلر حقلمنده لاحق اولان قرارر بالاستینان  
 اراده سنیه متعلق بیورلدیقه موقع اجرایه قوللر

( فی ۱۹ محرم سنه ۳۰۱ و فی ۸ تشرین ثانی )  
 ( سنه ۹۹ تاریخی و بیک طقسان سکرز عددیله )  
 ( محکمه تمیز جزا دأرہ سنندن اعطا قلمنان )  
 ( اعلامک صورتیدر )  
 ایدین ولایتی استیناف محکمه سی جزا دأرہ سنندن  
 علیهنده و یریلان فی ۱۱ ربیع الآخر سنه ۹۹  
 و فی ۱۷ شباط سنه ۹۷ تاریخی اعلامک تمیزی  
 لواء مذکور پولیس مأموری حسنی افندی طرفندن  
 استدعا اولمسی اوزرینه اعلام مذکور ایله اوراق  
 متفرعه سی مستدعی تمیز طرفندن و یریلان لایحه  
 اعتراضیه ایله برابر ولایت مشار الیهها مدعی  
 عمومیلکنندن باخبریات ارسال و باش مدعی عمومی ک  
 مأموریت بهیه سنندن دخی فی ۲۱ رجب سنه  
 ۹۹ و فی ۲۷ مایس سنه ۹۸ تاریخی و اوچبوز  
 الی نومر ولی تبلیغنامه ایله محکمه تمیز جزا دأرہ سنه  
 اعطا قلمشدر  
 مذکور اعلامک خلاصه ماکی از میرده فاحشه لایچون  
 یاپیلان خسته خانه دن طولای بلدیله طرفندن  
 تحصیلی قرارلشدر یلان و یرکوبی لغو ایتک اوزره  
 محلی پولیس بوز باشیسی حسنی افندی ک مزبوره -  
 لردن ایچہ طولاندیرمش اولدیغی بدایة تبیین ایدرک  
 الی ماه مدتلہ حبسنه قرار و یرلش ایسه ده محکوم  
 مومی الیهک استیناف دعوی ایتسی اوزرینه یکیدن  
 تدقیقات اجراسیله فعل و واقعه اثر جنایت کور یلهرک  
 او یولده اجرای تحقیقات ضمننده اورافنک مستنطقه  
 حواله سنه قرار و یرلدیکی حاوی بولنش ولایحه  
 اعتراضیه ده دخی حسب القانون محاکماتک بی طرفلغی  
 جهتیه هیچ بر طرفدن طلب و دعوی اولنمیان نوع  
 جرم حقننده محکمه مذکور نک ایشو قراری مغایر  
 اصول اولدیغندن بحکله قرار مذکورک تمیزاً نقضی  
 طلب اولمشدر  
 تبلیغنامه ده دخی کرچه مومی الیهک اولبایده کی ادما

نامه سنده محاکمک بی طرفلغی جهتیه هیچ بر طرفدن  
 طلب و دعوی اولنمیان جرم حقننده محکمه نک ایشو  
 قراری مغایر اصول اولدیغندن بحک اولنش و مطالعات  
 مسروده سی جرایمک تشدیدیه درجه مجازاتی یعنی  
 جنجه و جنایت نوعندن کور یلان بر جرمک نوعی  
 تبدیل اولمقسزین انجق اولنوع جرمه تحدید اولنان  
 جزانک تشدیدیه حقننده جائز اولور سه ده اصول  
 محاکمات جزایه قانون موقتک بوز طقسان التنجی  
 ماده سننده دعوی اولنان ماده مجازات ترهیبیه بی  
 مستلزم افعالندن اولدیغی جهتله حکم واقع فسخ  
 و ابطال اولنور سه استیناف محکمه سی دعویله باقی  
 اوزره تحقیقات اجراسی نزدیکه بولنان مستنطقه  
 حواله ایدر دیو صراحت کافیله مندرج بولندیغنه  
 و حکم ابتدائی دخی محکمه استینافجه مجازات ترهیبیه بی  
 مستلزم افعالندن کورلمکله فسخ ایلمش بولندیغنه نظراً  
 اعتراضات مذکور نک شایان التفات اولدیغنک بیانه  
 و فقط مجبوت عنه اولان و یرکوبلی بلدیله دأرہ سی  
 طرفندن قطع و طرح اولنوب مأمورین ضابطیه به  
 جهت تعلق اولدیغندن و مومی الیه حسنی افندی ایسه  
 پولیس بوز باشیسی اولوب بلدیله مأموری اولدیغی کبی  
 عزو اولنان فعلی دخی اجرای مأموریت ائناسنده ارتکاب  
 ایتیبو انجق آحادناس حقننده بویه بر حرکتده بولمسنه  
 نظراً بو یولده تروج مراده اقتداری اوله میه جغی در کار  
 اولدیغندن بو حالده جرم واقع جنجه درجه سنده قالبوب  
 بدایت محکمه سی اعلامی موافق قانون بولمق جهتیه  
 حکم استینافیک نقضی طلب اولمشدر  
 اوراق سائرہ دخی قرائتله تدقیقات تمیزیه اجراسنه  
 ابتدار اولندقدن محکمه استیناف متهم مومی الیه  
 حسنی افندی ک حرکت واقعه سی تروج مرام بولنده  
 عدایدرک مجازات ترهیبیه بی مستلزم افعالندن کورمکله  
 اصول محاکمات جزایه قانون موقتک بوز طقسان التنجی  
 ماده سنه توفیقاً اعلام ابتدائی بی فسخ ایلمش ایسه ده

کیفیت تبلیغنامه ده محرر اولدیغی وجهله مجکوت عنه اولان ویرکونک بادیه دأرہسی طرفدن قطع و طرح اولتوب ضابطه یه جهت تعلق اولدیغندن و متهم موئی الیه ایسه پولیس یوز باشیسی اولوب بلدیہ مأموری اولدیغی کبی حقننده دعوی اولنان فعلی دخی اجرای مأمویت ایتمدیکی ائنده وقوعبولمش اولسنه نظراً او یولده ترویج مر امه اقتداری اوله میه جعی درکار اولدیغندن بو حالده بویله برجرمک قانوناً جنحه درجه سننده طوقلمسی لازم کلدیکی حالده محکمه استینافک فعل مذکوری جنایت انواعندن عدیله بدایت محکمه سی اعلامی فسخ اتمسی موافق قانون اولدیغی جهتهله قانون مذکورک اوچیوز اون دردیجی و اوچیوز اون طقوزنجی ماده لری موجبنجه اعلام استینافی مذکورک نقضنه و نقض خرجی اولان ایکویوز غروشک اخسنده اوراق مرقومه نک محمله اعاده سنه قرار ویرلدی

( فی ۴ ربیع الآخر سنه ۳۰۱ و فی ۲۰ کانون ثانی )  
 ( سنه ۲۹۹ تاریخی و بیگ التیوز یکریمی برعدیله )  
 ( محکمه تمیز جزا دأرہسندن اعطا قلنان )  
 ( اعلامک صورتیدر )

یوزخاد قصبه سی سا کنلرندن عدویه خانم ایله قصبه مذکوره اهاالیسنندن محمود و رضا و مظهر پینلرنده تحکمت ایدن غصب دعواسی حقننده انقره ولایتی استیناف محکمه سی جزا دأرہسندن اعطا قلنان بر نومرولی اعلامک تمیزی مرقوموندر رضا و مظهر افندیلرایله محکمه مذکوره مدعی همومیلکی طرفلرندن استدعا اولنه رق اعلام مذکور ایله اوراق متفرعه سی باتحریرات ارسال و باش مدعی همومیلک مأموریت بهیه سندن دخی فی غره ذی القعدة سنه ۳۰۰ و فی ۲۲

قیمت ثابتہ سی اولان یکریمی بیک کسور غروشک قانون جزانک قرق التنجی ماده سی موجبنجه مرقوموندر تحصیلنه قرار ویرلدیکی بیاندن عبارت بولمشدر مرقومان رضا و مظهر طرفلرندن ویریلان لایحه اعتراضیه نک خلاصه مالی حقوق عمومیه جهتندن طولایی برائت ذمتلرینه قرار ویرلمش اولدیغی حالده حقوق شخصیه جهتهک تحت حکمه التمسی مغایر قانون بولدیغندن بحثله اعلام مذکورک بو جهتهک تمیز آنقضنی مستعدیدر

محکمه استیناف مدعی همومیلکنک تمیز استدعا سننده محکمه مذکوره نک بر طرفدن محکوم علیهمک برائت لرینه و دیگر طرفلرندن غاصب اولدق قری اخبارات و امارات ایله تحققی ایلدیکنندن بحثله غصب ایدیلان فسک قیمت ثابتہ سی اولان سالف الذکر معلوم المقدار مبالغت تحصیلنه یکدیگریته مبین و مناقص اوله رق قرار ویرلمسی مخالف قانون اولوب ذکر اولنان اوچیوز اون بشنجی ماده نک حکمی دخی مجرد قانونک حسن جریاننی تأمین ایچون برائتہ دأر محاکمن ویریلان جنایات اعلاماتک اصول تمیزینه متدأر اوله رق جنحه دعوارینه شمولی اولیه جعی جهتهله اعلام مذکورک نقضی طلب و ادعا اولمشدر

ذکر اولنان تبلیغنامه ده دخی اصول محاکمات جزائیہ قانونک اوچیوز یکریمی بشنجی ماده سی موجبنجه مرقومانک شرائط تمیزینه بی اجرادن استنکاف ایلدک قری اولبایدہ اخیراً جریان ایدن بخاربه دن اکلاشلوب شو حالده اوچیوز یکریمی بشنجی ماده اقتضاسنجه شرائط تمیزینه اجرا قلنماش اولدیغندن محکومون مرقومونک مسؤلیت مالیه لرینه دأر اولان تمیز استدعالر نک ردیله جزای نقدینک کندولرندن تحصیلنی لازم کله چکنک بیانیه برابر محکمه استیناف مدعی همومیلکنک ۲۷ توموز سنه ۹۷ تاریخی تمیز استدعا سنک مدت نظامیه سی طرفنده ویریله مامسی

اسبابنه نقل کلام اولنه رق خصوص مذکورک محاکمه سننده خلاف قانون اوله رق اعضا ملازملرندن ذهنی افندی بولندیر یلوب قطعاً مدعی همومیلکه معلومات ویرلماش و بوجله ایله برابر اوراق مذکورہ نک مدعی همومیلک مأموریتنه تبلیغی برمدتدنصکره وقوعبولمش اولسندن نشأت ایتمش اولدیغی لدی الاستفسار وارد اولان جوابدن مستبان اوله رق اعلام مذکور مندرجائی دخی بوضورتی مؤید اولوب اصول محاکمات جزائیہ قانونک اوچیوز یکریمی اوچنجی ماده سی موجبنجه تمیز استدعا سنک تاریخ تفهیمندن اعتباراً مدت نظامیه سی طرفنده اعطاسی لازم کلور ایسه ده بوايشده قرار واقعک وقت وزمانیه مدعی همومیلکه تفهیمیه معلومات ویرلمدیکی اکلاشلش اولدیغندن لدی التدقیق فی الحقیقه حقوق عمومیه جهتندن طولایی بودفعه برائت لرینه قرار ویریلان اشخاصک حقوق شخصیه جهتندن طولایی اموال مغصوبه اعطاسیه محکوم طوتیله رق جزا جهتندن فعل مدعا بیک عدم وقوعنه و تضمینات جهتهک دخی ثبوتہ دأر ویریلان قرارلر پیننده اتضاد و تخالف اولوب برائت حکمنه خلل کلامک قیدینک دخی جنایت ماده لرینه شمولی درکار اوله رق اصول محاکمات جزائیہ قانونک اوچیوز اون طقوزنجی ماده سی اقتضاسنجه بومقوله جنحه دن طولایی اعطا اولنان برائت قرارینک تمیزاً نقضنی ادعا ده دخی مدعی همومینک صلاحیت قانونیه سی اولمقله برابر محکمه استینافدن اولجه ویریلان قرارک دخی حکم ابتدائیہ نک فسخنله عدم مسؤلیت قرارینی متضمن بولدیغی اکلاشلش و بوقرار دخی طرفینک تشکیلیه محاکم قری اجرا قلنمسوزین مغایر نظام اوله رق اعطا اولسندن طولایی اعلام استینافینک

عادياً تفضيله احكام قانونيه توفيقاً ايجاب ايدن  
معامله نك اجراسى ضمننده اوراق مر قومه نك اعاده سنه  
محكمه تمير نجه قرار و يرلش اولديغى حالده بودغه  
محكمه استينافك محكمه تمير نك مذكور قرار يه  
مخالف اوله رق مر قومونك حقرنده جزا ترتيبى  
تصديق ايله برابر كويا اولجه اوچيوز اون بشنجى  
ماده حكمنجه بر ماده جنسايه حقنده برائت قرارى  
و يرلش كى برائت حكمنه خلل كليدجكى ماده سنى  
اول باول تحت تذكره المسى دىخى خلاف قانون بولنش  
ومع هذا مدعى عمومينك بر كونه مانعى اولديغى  
حالده بوايشده مدعى عموميلك وظيفه سنك دىخى  
اعضاملازمنه احاله سى قانون مذكور كى يكرى در دنجى  
ماده سنه مغاير كورنمش اولديغندن اعلام مذكور كى  
اسباب مشروحه قانونيه يه مبنى اصول محاكمات جزايه  
قانون موقتك اوچيوز اون در دنجى و اوچيوز اون  
طقوزنجى ماده لرى احكامنجه نقضى لازم كله جكى  
بيان اولمشدر

مستدعى مر قومان رضا ومظهر طرفلرندن شرائط  
تمير نيه ايضا قلمماش اولديغى ومدعى عمومينك تمير  
استدعاسنى مدت معينه ايجنده و بر مامسى كندوسنه  
معلومات و وقت وزمانيله اجراى تبليغات ايدلامسندن  
نشأت ايتش ايدوسى ا كلاشيلغه مر قومانك تمير  
استدعاسنك ردينه و فقط بو بابه تدقيقات تمير نيه يه  
كير يشلديكى جهته تبليغنامه ده تحصيلى كوستريلان  
جزاى تقديسك مر قوماندن اخذينه ايجاب اولديغنه  
قرار و يرلر كدن صكره مدعى عمومينك لايحه سنده  
محرر اعتراضات او زرينه تدقيقات تمير نيه اجرا  
اولندقه تبليغنامه ده بيان اولنديغى اوزره مدعى  
عمومينك بر كونه مانعى اولديغى حالده مدعى عموميلك  
وظيفه سنك اعضا ملازمنه احاله سيله محاكماتك  
اجراسى مغاير قانون اولديغى كى اصول محاكمات

جزايه نك برائت حكملر نيه خلل كليدجكى قاعده  
اساسيه سنى متضمن اولان اوچيوز اون بشنجى  
ماده سنك حكمنى جنابت ماده لرى نيه منحصر اولغله  
برابر محكمه استينافك مقدمكى قرارى بلا محاكمه  
لاحق اولش اولسندن طولايى نقض ايدلديكى جهته  
اخبر اجرا قلنان محاكمه نتيجه سنده هم فعلك ثبوتنه  
قرار و ير يلوب همده ايش جنجه انواعندن اولديغى  
حالده جنابت حقنده اولان مذكور اوچيوز اون  
بشنجى ماده قانونيه يه تمسكاً يالكر مسروقاتك قيمت  
ثابته سنك تحصيلنه حكم اولمشى احكام قانونيه يه مناقى  
بولنديغى جهترله اصول محاكمات جزايه قانون  
موقتك اوچيوز اون در دنجى و اوچيوز اون  
طقوزنجى ماده لرى احكامنه توفيقاً اعلام استينافى  
مذكور كى نقضنه و خرج تعرفه سنك قرقجى ماده سنى  
موجبنجه تمير نيه خرجى اولان ايكى يوز غروشك اخذ  
واستيفاسنه قرار و يرلدى

( محكمه تمير نيه جزا دائره سنك فى ۱۲ ربيع الاخر )  
( سنه ۳۰۱ وفى ۳۰ كانون ثانى سنه ۹۹ )  
( تاريخى و بيك يدى يوز او توز اوچ نومرولى )  
( اعطا ايدلديكى اعلامك صورتيدر )

لازستان سنجاغى بدايت محكمه سنى جزا دائره سنك  
فى ۱۳ ذى القعدة سنه ۹۹ وفى ۱۴ ايلول سنه ۹۸  
تاريخى و طقوز نومرولى اعلاميله اوراق متر عده سى  
طر زون ولايتى مدعى عموميلكندن باخر رات ارسال  
وباش مدعى عموميلك مأموريت بيه مسندن دىخى  
فى ۲۲ صفر سنه ۳۰۰ وفى ۲۱ كانون اول سنه ۹۸

تاريخى و بيك درت يوز او توز درت نومرولى  
تبليغنامه ايله محكمه تمير نيه جزا دائره سنه اعطا قلمشدر  
( بقيه سى صكره )

اعلانات

ماقرى قريه سننده ساكن متوفا صراف قسطاى  
ورثه سنك اوقاف همايون خزينه جليله سنه با اعلام  
محكوم به دينى اولان مبالغ معلومه نك تأمين استيفاسى  
ضمننده ورثه مر قومك قريه مذكوره ده باغلى  
سوقاغنده متصرف اولدقلى اوچ نومرولى معلوم  
الحدود بر قطعه باغ بوندن مقدم موقع جزا يده يه  
قوتيله رق عثمانلى ليراسى يوز غروش حسابيله اون  
بيك غروش بدل ايله طالبى عهده سنده قالمش و تاريخ  
اعلانن اعتباراً او توز بر كونه قدر يوزده بش ضم  
قبول اولنده جنجى ومدت مذكوره دن صكره قرار قطعي سى  
و ير يلر ك طالبى عهده سنه كچورلى مقرر اولوب  
اندن صكره هر نه ضم وقوع بولور ايسه قبول اولغنه  
جنجى جهته باغ مذكوره يوزده بش ضميمه طالب  
اولنرك ودها زياده معلومات المى استينافك مدت  
مر قومه ظرفنده ماقرى قريه سننده واقع چكمنجه  
صغير محكمه بدايت اجرا دائره سنه مر اجعت ايتلرلى  
اعلان اولنور

فى ۱۳ مارت سنه ۱۳۰۰

قيصر بهلى بودكيان كريمه سى مر بيك خداوندكار  
ولايتنه تابع عشاقده مقبضى كوستريلان بودكيان  
مورسيسده بولنان اوچيك در تپوز التمش ايكى غروش  
الاجفنگك تحصيلى حقننده و كپلى و زوجى تكه يان سيمون

طرفندن قيصر يه تجارت محكمه سنه و ير يلان استدعا  
اوزرينه تنظيم و مر قومه تبليغ اولمشى اوزره  
خداوند كار ولايتى تجارت محكمه سنه كوندر يلان  
ورقه دعوتيه نك مر قومك غيبو بنه مبنى عشاق تجارت  
محكمه سى رياستك جوابنامه سيله اعاده قلنديغى  
محكمه مر بوره رياستك سكرسان ايكى نومرولى وفى ۱۹  
كانون ثانى سنه ۹۹ تاريخى تخر برائنده بيان  
واشعار اولمش و خصوص مذكور حقنده اوچيوز  
سنه سى شهر نيسانك يكرى ايكنجى بازار ايرتسى كونى  
محاكمه لازمده نك اجرا قلنده جنجى مصمم بولنش اولديغندن  
يوم مر بوره مر قوم مورسيسك بالذات و بالوكاله  
محكمه مر بوره ده حاضر بولمشى زونمك اصول  
محاكمات حقوقيه قانون موقتك يكرى نتيجى ماده سى  
حكمنه توفيقاً قيصر يه تجارت محكمه سى طرفندن  
اعلان اولنور

فى ۴ جا سنه ۳۰۱ وفى ۱۹ شباط سنه ۹۹

متوفى حاجى قپودان زاده على افنديك ايكنجى حقوق  
دائره سنندن فى ۱۷ كانون اول سنه ۹۹ تاريخى  
و در تپوز قرق درت عددى و اجراى موقى حاوى  
و ير يلان بر قطعه اعلام موجبنجه خره لبوس يانى به  
جهت كفالتدن دينى بولنان مبالغك تسويه سى ضمننده  
متوفى مومى اليهدن ارثاً بالانتقال كفيل مر قومك  
ياوزسنان محله سنده صغر ييجيلر جاده سننده يدى حصه  
اعتبار يله و ششهرى التمش غروش ايجارلى بلا كدك  
وهو متصرف اولديغى طقوز نومرولى بر باب  
دكان ايله اتصالننده واقع اونبر نومرولى دكان ملكسك

علاوه سی احکامی مستلزم افعال جنائیه دن بولنش اولمغله متهم مر قومانک اصول محاکمات جزائیه قانون موقتک باب رابعنک فصل نائیسنده محرر مواد احکامنه توفیقاً از میدبدایت جزا محکمه سنده غیاباً محاکم لری اجرا اولنمق اوزره جنایتله اتهاملرینه متفقاً قرار ویرلش و متهم مر قومانک هر زرده کوریلور ایسه طوتیلوب محکمه مذکوره حبسخانه سنه تسلیم لری کله جکنی بالجمله ضابطه عدلیه مأمور لر ینک معلومی اولق اوزره اشبو اخذ و گرفت امری در سعادت محاکمه استینافیه سی هیئت اتهامیه سندن تنظیم و اعطا قلمشدر

فی ۱۹ جمادی الاولی سنه ۳۰۱ و فی ۵ مارت سنه ۳۰۰

بانقه التنده عربیه بو یاجیلغی ایتمکده بولنان یونان دولتی تبعه سندن قوجه ولد دیمتری اولبوسک قاتلی اولدیغی ادما اولنان تیورجی فراری اونیک حقنده محکمه جنایتده اجرا اولنان محاکمه علینه و غیاییه نتیجه سنده مر قومک جزا قانوننامه همایونک یوز یتیش دردنجی ماده سی احکامنه توفیقاً اون بش سنه مدته کورکه قونلسنه و او توز برنجی ماده قانونیه موجبجه حقوق مدینه دن اسقاطیله اموالک جزینه و استنطاق و ضبط و اعلام خرج لری اولان جمعاً در تیوز قرق غرو شک دخی تحصیل ایلمسنه حکم اولمغله ایجابی بالاجرا اعلان کیفیته ابتدار قلندی

فی ۲۴ جمادی الاولی سنه ۳۰۱ و فی ۱۰ مارت سنه ۳۰۰

مطبعة عامر ده طبع اولندی

ربع حصه لری و یواشجه شاهین محله سنده اوزون چارشو جاده سنده کائن کفیل مر قوم عهدده سنده اولان یوز التمش بش نومرولی دکان ملاکنک تمامی و مورثی متوفاه زینتی خانمدن ارثاً منتقل کفیل مر قومک ز یرک جاده سنده خواجه خلیل عطار محله سنده قوری چشمه زقافنده کائن اوچ حصه اعتباریله متصرف اولدیغی اخشاب بر باب خانه ایله قاسم پاشاده پیاله پاشای صغیر محله سنده زنجیرلی قیوجاده سنده ایکبوز یکرمی درت نومرولی وشهری یوز غروش ایچاره لو کذک اوچ حصه اعتباریله متصرف اولدیغی اخشاب بر باب خانه ک ثلث حصه لری تاریخ اعلاندن اعتباراً اون بش کون صکره فروخته تشبث اولنه جعی در سعادت بدایت محکمه سی اجرا دأره سندن اعلان اولنور فی ۶ مارت سنه ۱۳۰۰

ازمید سنجاغی داخلنده قندره قصبه سنک شیخلر ناحیه سنده آق قوم قریه لی عارفک کریمه سی اون بدی یاشنده صدیقه بی جبر آقا چایروب بکرینی ازاله ایتملرندن طولانی منظون علیهما بولنان صاری صقال و بیقلی اورته بویلی چاقرجه کوزلی اورته وجودلی براز بیاضجه اوفق برونی عادتاً اغزلی ساعتگری و برادری اوزونجه بویلی صاری صقال و بیقلی اورته بویلی چاقرجه کوزلی اورته وجودلی براز بیاضجه اوفق برونی عادتاً اغزلی کزبیت نام شخصلرک فعل مذکوره جراثله فرار ایلمک لری عنده التذقیق اکلاشلس و حرکت واقعه لری قانون جزانک ایکی یوز التجی ماده سی